

ԿՈՉԵՐ ԱՐՑԱԽԱՆԱՅԱՅՈՒԹՅԱՆԸ

Ռուսաստանում բռնկված առաջին բուրժուական հեղափոխությունը իր հեպ բերեց նաև արհավիրքներ: Դրանցից էին ազգամիջյան ընդհարումները, որոնք իրենց դաժանությամբ անցել էին բոլոր սահմանները: Արցախի թեմի առաջնորդ Գրիգոր եպիսկոպոս Գառնակերյանը (1900 - 1905 թթ.), զգալով ահավոր վրանգը, 1905թ. մայիսին հրաժարական արվեց: Նրան փոխարինեց Աշոտ եպիսկոպոս Շախեյանը (1905 - 1910 թթ.)¹, որը ծնվել է 1868 թվականին, ավարտել Էջմիածնի Գեորգյան հոգևոր ճեմարանը: Շախեյանը խելացի եւ գործունյա անձնավորություն էր: 1905 - 1907 թթ. Արցախի թեմը սապար կանգնեց իր հավաքագրյալներին: Այդ փարիներին փեղի ունեցած հայ-թաթարական ընդհարումներից արցախահայությունը թե՛ նյութապես եւ թե՛ ֆիզիկապես զգալի վնաս է կրել: Դա մի այնպիսի ժամանակաշրջան էր, երբ Արցախի բնակչության մեծամասնությունը փնքում էր «կարիքի մահաբեր ճիրաններում», իսկ «սովն ու մերկությունը սպառնում» էին «առաջ բերել համաճարակ հիվանդություններ: Շապերը նոյնիսկ անկողին» չունեին: Թեմակալը արցախցի հարուստներին կոչ էր անում օգնության ձեռք մեկնել երկրամասի բնակչությանը, նրանց, «որոնք հերոսաբար պաշտպանում էին հայ գիւղացիութեան կեանքն ու պարիւր»²:

Արցախում առաջ եկած անբանելի պայմանները ծանր հեպք են թողել երկրամասի հասարակական-քաղաքական կյանքի վրա: Սովը մոլեգնում էր գավառներում: Երկրամասից հազարավոր ընտանիքներ սփռված հեռանում էին արդյունաբերական կենտրոններ: Ժամանակի մամուլը գրել է. «Գաւառի շինական ժողովրդի դրութիւնը ծանր է, նա փանջում է սովի ձեռքից, հաց չունի: Ամենուրեք արարերը քարացել են, օգնութեան ձայն չի լսում...»³: Իսկ «Արօրը» դառնությամբ խոստովանում է, որ Արցախում «խաւարի եւ փգիտութեան մէջ խարխափում է աշխատատեղ գիւղացիութիւնը: Լոյսի կենդանարար շողերը փակաւին չեն ճառագայթել այդ անձայր աշխատանքի, բայց եւ անձայր փառապանքի վայրում»: Թերթի վկայությամբ՝ գյուղերի փրկուկները «բիրտ կերպով շահագործում են գիւղացու միամտութիւնն ու խաւարը յանուն իրենց շահախնդրութեան»⁴:

Ղարաբաղում եւ Զանգեզուրում 1907 թ. սովը ընդգրկել էր 260 բնակավայր: Դրան գումարած այն, որ 1905-1906 թվականներին փեղի ունեցած ազգամիջյան ընդհարումների հետեւանքով Արցախից հեռացել էր շուրջ 100 հազար մարդ, զգալիորեն վնասվել էին 286 բնակավայրեր, նյութական մեծ վնաս էին կրել 14.700 ընտանիք: Միայն Շուշի քաղաքում հրդեհվել էր 400 խանութ, իսկ երկրամասում թուրք-թաթարները գողացել էին 9200 խոշոր եղջերավոր անասուն, 2597 ոչխար եւ այծ, 711 խոզ, 594 ձի եւ ջորի, հափշտակվել 92379 ուրվի արժողությամբ փնային զարդեր եւ այլն⁵:

1 Տե՛ս «Արարապ», 1905, սեպտեմբեր, էջ 777:

2 «Երկիր» (Թիֆլիս), թ. 5, 6.10.1906:

3 «Անկախ մամուլ» (Թիֆլիս), թ.21, 25.12.1907:

4 «Արօր» (Թիֆլիս), 1907, թ.5, 5.09.:

5 «Վավերագրեր հայ եկեղեցու պատմության», գիրք Թ. Նայ առաքելական եկեղեցու Արցախի թեմը (1813 - 1933 թթ.), Եր., 2001, էջ 466-467:

Արցախցիները նյութական և բարոյական օգնության մեծ կարիք ունեին: Դրա կազմակերպումն իր վրա վերցնելով՝ Արցախի թեմի առաջնորդ Աշոտ եպիսկոպոսը, 1906 - 1909 թվականներին չորս անգամ ողջույնի խոսք ուղղելով արցախցիներին⁶, մի կողմից բնակչությանը կոչ էր անում չհեռանալ հայրենի օջախներից, իսկ մյուս կողմից՝ արցախցի ունեորդներին հորդորում էր օգնության ձեռք մեկնել դժբախտության մեջ հայտնված հայրենակիցներին՝ նյութապես և աշխատանքի տեղեր բացելով:

Թեմակալի այդ կոչերը ունեն բարոյական արժեք և ժամանակակից հնչեղություն: Դրանք ներկայացնում ենք ընթերցողներին:

ՆՐԱՆՏ ԱԲՐԱՀԱՄՅԱՆ

Պարմական գիությունների դոկտոր

1.

ԿՈՉ ՇՈՒՇԵՅԻ ՆԱՅԵՐԻՆ

Ողջոյն քեզ, սիրելի ժողովուրդ, լիայոյս եմ, թէ կը ցանկանաս եւ կը սիրես լսել, կարդալ, հեղափոխուել, յուզուել, շարժուել եւ օգտուել: Եթէ այդպէս, լաւ. — գալիս եմ այս կոչով խօսելու քեզ հետ եւ յիշեցնելու քեզ քո քրիստոնեական եւ մարդասիրական պարտքերիցդ մէկը:

Ահաւասիկ եկաւ կրկին նոր փարին, անցաւ հինը՝ փանելով իւր հետ առկայծեալ յոյսերի նշոյլներ, թերակապար փափագների փնջեր եւ անկապար առաջադրութիւնների ցուցակներ, թողնելով մեզ բաժին միայն լացն ու վիշտը: Նոր փարուան առթիւ կապարած շնորհատրաքների ժամանակ, երբ մասնատրաքար ամեն մինի մտքին զարկում է ժամանակի հեշտասահ եւ անընդհար հոսանքը, պարտական է լրջօրէն մտածել անցնող ժամանակի անդառնալի վճիռների վերայ: Մարդիկ սովորաբար մտածում են ժամանակի արագընթացութեան վերայ, թէ ինչպէս ոչ մի գործութիւն կարող է յետ կանգնեցնել նորա յատերժական քայլերը, թէ ինչպէս ժամանակը իւր հետքերը թողնում է խորշոմեալ ճակարների եւ մեր արծաթափայլ մագերի վերայ եւ թէ ինչպէս նա երբեմն թողնում է խորին եւ ցաւագին վշտեր մեր սրտերի մէջ: Արժէ ուրեմն կանգնել նոր փարուան շէմքում եւ մտածել վերջացած փարուան վճիռների վերայ: Ո՛չ ապաքէն փարին կրում է իւր ծոցում ամեն մի մարդու գործերի արձանագրութիւնը, ո՛չ ապաքէն նա մի ժապաւինեալ մարտան է, որ վճիւր եւ պարզ լեզուով փալիս է ամեն մի մարդու իւր ամբողջ կեանքի պարմութիւնը: Ոչ միայն Բաղդասարի համար երբեմն անձանօթ մի ձեռք արձանագրեց Բաբելոնի պալատի որմերի վերայ, այլ ամեն մի մարդու համար եւս արձանագրում է ժամանակի անտեսանելի ձեռքը: Աչքի առաջ պէտք է ունենալ, թէ ազգերի եւ ժողովուրդների պարմութիւնն էլ նոյնպէս արձանագրում է: Ինչպէս ամեն մի անհար, այնպէս եւ ամեն մի ազգ եւ ժողովուրդ ընթանում է յառաջ ժամանակի հետ միասին, եւ ամեն մինը իւր դերն ունի կապարելու կեանքում, եւ այս դերն էլ հաւաքարմապէս արձանագրում է պարմութեան էջերում: Թող ուրեմն ամեն մէկը գէթ Նոր փարուան առթիւ աչքի անցնէ անցեալ ժամանակի արձանագրութիւնները իւր նկարմամբ: Ժամանակը ոսկէ

6 Մեր կողմից հայտնաբերվել է երկերը:

տառերով արձանագրում է բոլոր գործերը, որոնք բղխում են սիրագեղուն եւ գթառաստ արարելից եւ անարբեր, ցուրտ եւ անզգայ սրտերի վերայից սլանում է՝ արձանագրելու բարի բան չունենալով: Նոքա յափտենական ապառաժներ են, որոնք ոչինչ չեն բուսցնում, թեպէտ անցնում են յաջորդաբար եղանակներ եւ տարիներ: Երանի՛ թէ Նոր տարին զարթեցնէր նրանց, երանի՛ թէ կանգնած ժամանակի մարգարտեայ դրան վերայ՝ ափսոսալով կորցրած անպտուղ եւ անբերրի ժամանակը, որոշէին այսուհետեւ ծառայութիւն անել Աստուծուն. իսկ այդ ծառայութիւնը կայանում է մարդկանց ծառայելու մէջ՝ նշանաբան դարձնելով մարդասիրութիւնը, գթութիւնը եւ ընկերասիրութիւնը: Այդպիսով միայն կարելի է ազատուել ժամանակի արդար դատապարտութիւնից: Այդպիսով՝ միայն կարող է ամեն մի անհատ եւ ժողովուրդ, ոչ իւր ոսկիներով եւ բարձր դիրքով, այլ ազնիւ եւ բարի գործերով արձանագրել տալու իւր անունը ապագայի երանութեան ցուցակների մէջ, կենդանի օրինակ թողնելով յետնորդ սերունդներին: Տո՛ւր ինձ, սիրելի ժողովուրդ, քո ուշադրութիւնդ եւ սիրտդ, եւ ես քեզ կարդամ իմ սիրտս եւ յայտնեմ քեզ օգուտ, փառք ու պատիւ բերող նպատակս: Այսօր կատարուելու մեծ գործը եւ օրուան հրատապ խնդիրն է ամփոփել քո բոլոր զօրութիւնները մտնելու քաղաքումս գտնուող չքաւոր եւ մի կտոր չոր հացի կարօտ ընտանիքների դռն եւ անագորոյն դրութեան մէջ, ազատելու նրանց ապագայում սպառնացող վարակիչ հիւանդութիւններից եւ այլ պատահարներից, որոնց յառաջ գալու պարճառը լինում է յաճախ աղքատութիւնը: Նրանք էլ կազմում են քաղաքիս ժողովրդի մի մասը, եւ եթէ այդ մի մասը թողնուի անուշադիր, պէտք է նեխի եւ փչանայ նաեւ ամբողջութիւնը: Եթէ տկար է մարդու մարմնի մի անդամը, տկար է եւ ամբողջը, ասում է առաքեալը: Գիտութիւնն էլ նոյնն է սորվեցնում մարդկանց: Երբ որոշակի իմացում է, թէ կիսաբարբարոս երկրներում առողջապահական կանոնների զեղծումներ են լինում, եւ այդ զեղծումներից յառաջ եկած չարաթոյն սերմերը կարող են հասնել քաղաքակիրթ ազգերին, այն ժամանակ մարդիկ սկսում են մտաբերել, թէ Նոր Կրակարանի մէջ աւանդած Քրիստոսի այն սկզբունքը, թէ մարդ մարդու պահապանն ու հովանաւորողն է, ունենում է զօրաւոր հիմք ոչ թէ միայն վերացական գաղափարների մէջ, այլ նաեւ բնութեան օրէնքների մէջ: Ապացուցուած մի իրողութիւն է, թէ մի քաղաքի եւ կամ գիւղի աղքատ եւ վարթար հակաառողջական վիճակը, որ յառաջ է գալիս, ինչպէս վերը յիշատակեցի, յաճախ չքաւորութիւնից, ամեն տեսակ ահռելի ախտերի սերմեր է դրկում նաեւ ազնուականների թաղերի պալատական մանկարանները, որոնք կառուցուած են այժմեան ճարտարապետական վերջին տեսակի նուրբ եւ գեղեցիկ ճաշակով, հետեւապէս շատ ճիշտ է այն առածը, թէ «աղքատի համար չը բացուող դուռը, վերջը կը բացուի բժշկի համար»: Անշուշտ ուրեմն, ինձ հետ դու էլ, սիրելի ժողովուրդ, կը գաս այն եզրակացութեան, թէ քո մէջ, քո շուրջը եւ քո դռների առաջ մերկ, քաղցած եւ ցրտից սարսռող չքաւորները վրանգ են սպառնում նաեւ ամբողջութեան, հանրային բարօրութեան:

Նանրային վիճակի վերայ առհասարակ մեր ունեցած գաղափարները աղէտալի կերպով տկար են եւ հէնց այս իսկ պարճառով մեր ժողովրդական կեանքը դանդաղ է յառաջադիմում եւ անգոհացուցիչ պայմանների մէջ գտնուում: Տարրական գիտութիւնն անգամ բաւական է ճանաչելու, թէ հանրային վիճակի բարօրութեան զգացմունքը որքան զօրեղ կերպով փիթէ ժողովրդին եւ ազգերին, այնքան աւելի զօրանում եւ բարգաւաճում են նրանք: Թէ վաղեմի եւ թէ արդի ազգերի պատմութիւնը վկայ է սրան: Քրիստոնեական կրօնն էլ,

որ հիասքանչ ներդաշնակությամբ կանոնաւորել է ամեն կարգի փարբեր շահերը, պահպանելով հանդերձ անհապականը, պատուիրում է մեզ ծառայել նաեւ հանրութեան եւ լինել մարդասէր: Արդի քաղաքակրթութեան ոգին, քրիստոնեական կրօնի համաձայն, ծառայել է հանրային շահերին մեծ անձնուիրությամբ՝ միեւնոյն ժամանակ չը մոռանալով անհատին եւ պաշտպանելով նաեւ նորա շահերը: Բոլոր մեծ ազգերի յապկանիշն է եղել հանրային շահը գերադասել ամեն բանից եւ կենտրոնի նման համախմբել նորա շուրջը բոլոր անհապական շահերը եւ ուժերը: Եւ ահա այս է այն առաջին սկզբունքներից մինը, որ անհրաժեշտ է սովորել եւ գործադրել կեանքի մէջ, եթէ ժողովրդական կեանքի բարօրութեան մէջ փափագում ենք յառաջադիմել: Քրիստոնեական քաղաքակրթութիւնը խստիւ դադարաւորում է սոսկ անձնական շահերին հետամուտ լինելու քաղաքականութիւնը, եւ նորա արդիւնքներից ամենափառաւորը այն է եղել, որ մարդիկ նորա գերահրաշ ազդեցութեան փակ սովորել են իրենց անհապական սահմանափակ եզերքներից դուրս գալ եւ սէր ու գթութիւն ծաւալել ոչ թէ միայն իրենց ընտանիքների եւ մերձավորների վերայ, այլ եւ ամենքի վերայ անխափր, Նեղոսի ջրերի նման, որոնք, դուրս գալով ափերից, փարածում են բովանդակ արարների վերայ՝ նրանց ոռոգելու եւ բեղմնաւորելու:

Պէտք է ամեն մի մարդ խորին համոզումն դարձնէ այն ճշմարտութիւնը, թէ ոչ մէկը չի կարող իբր անհատ բաժանել իրեն հանրութիւնից: Ապացուցուած մի ճշմարտութիւն է, թէ անհապական շահերը սերտ կերպով կապակցուած են հանրութեան շահերի հետ եւ անհապական վնասը հանրութեան վնասն է: Որչա՛փ սխալ է ուրեմն, երբ մարդս կարծում է, թէ ինքը բաժանուած հանրութիւնից կարող է ապրել միայնակ, առանց նկատելու հանրային վիճակն ու կացութիւնը: Անմիտ կոչեց Քրիստոս մէկին, որ իւր անձնական ամբարները լցրած լինելով երազում էր երկարապետ երջանկութիւն, առանց մտածելու, թէ ապագան իր ձեռքին չէ: Անմիտ կարելի է ասել նաեւ այն բոլորին, որոնք կարծում են, թէ իրենց անձնական ամբարների վիճակը եւ իրենց հարստութիւնը ամփոփող երկաթեայ ամուր սնդուկները բաւական ապահոված կը լինին ներկայ եւ ապագայ յարապետ երջանկութիւնը՝ ամենեւին ուշադրութիւն չը դարձնելով իրենց շուրջը գտնուող իրենց նմանների դառն վիճակին, կարծելով հանդերձ, թէ այդ փեսակ իրերի վերայ խօսելը ոչնչաբանութիւն է, եւ նրանց համար գործելը եւ նրանց վիճակը փոքր ի շարք բարոյութելու համար իրենց վաստակից մասն ու բաժին հանելը՝ ժամավաճառութիւն: Արարիչը, ինչպէս երկնքի գնդերը եւ նրանց բաղկացնող ամենափոքր հիւլէները, նոյնպէս եւ բոլոր բարոյական էակները միմեանց հետ կապակցել է անքակտելի կապերով եւ ոչ ոք կարող է այս լայնածաւալ աշխարհի վերայ ապրել միայնակ եւ անջատ ուրիշներից, որքան էլ լիքը լինին անհաշիւ հարստությամբ իւր անձնական ամբարները:

Այս գերազանց ճշմարտութիւնը կարելոր է ըմբռնել, եւ այս է այն ճշմարտութիւնը, որ մասնաւորապէս պէտք է յառաջ մղէ թէ քաղաքիս եւ թէ օրար քաղաքներում բնակուող շուշեցի հայերին նկատելու իրենց քաղաքակիցների հանրային վիճակը՝ փալով սրան այնքան կարեւորութիւն, որքան փալիս է ամեն մինը, ինչպէս իւր պարտքն է, իւր անձնական եւ անհապական վիճակին: Այս ճշմարտութիւնը պարտք եմ համարում յիշեցնել. ճշմարտութիւն՝ թէ ամեն մարդ չի ապրում միայն իւր անձի եւ իւր ընտանիքի բարիքի համար, այլեւ ուրիշների համար: Այս է պահանջում նաեւ մեր սուրբ կրօնը, այս է պահանջում նաեւ դարուս ոգին եւ այս է պահանջում նաեւ ամեն մի մի անձնական եւ անհապական շահն ու բարիքը:

Աղքատ, չքատուր եւ կարօտեալ անձանց եւ ընտանիքներին կեանքի մրրկալից ծովի մէջ ամենաձանր կուում, այն է՝ մարդուս նիւթական գոյութիւնը պահպանելու խնդրում, օգնութեան ձեռք կարկառելը եւ մշտապէս հովանաւորելը եղել է, է եւ պէտք է լինի քրիստոնէական եկեղեցու, քրիստոնէայ անձանց եւ համայնքների յաւիտենական կոչման մի ամենից կարեւոր, ամենից գրաւիչ եւ ամենից համակրելի մասը: Այն մասն է կազմում Քրիստոսի բարոյական բոլոր պահանջների եւ քրիստոնէավայել կենցաղավարութեան ամենագեղեցիկ եւ օգտակար կողմը եւ մարդկային խառնաշփոթ, շահախնդիր եւ եսամոլ կեանքում աղքատին եւ աշխատանքի անկարող անտուն անտէր չքատուրին օգնութեան ձեռք մեկնելու բարոյական պարտաւորութեան բարձրագոյն գաղափարի մարմնացման մէջն է եւ օգնողի մարդավայել կեանքի փայլն ու գեղեցկութիւնը:

Քրիստոնէական կրօնի եւ իւր հարազատ ծնունդ մարդասիրութեան յաղթական ընթացքը դարերի, ազգերի եւ անհատների վրայով եւ իւր լայնածաւալ իշխանութիւնն ու տիրապետութիւնը մարդկային սրտերի վերայ ամենամեծ չափով պարտական է այն աննման հմայքին, որ արտացոլում է անձնութիւն, ընկերասիրութիւն, մարդասիրութիւն եւ անձնականը յօգուտ ընդհանուրի բարօրութեան գոհաբերելու սիրայօժար պարտաւորականութիւն: Քրիստոնէական եկեղեցու այս սիրոյ եւ գթութեան գործի քարոզութիւնը արծարծելու, յուզելու, հաստատելու եւ ընդհանուր տրամադրութիւն, վճիռ եւ կամք դարձնելու պարտքն են կատարում՝ այս կոչով քեզ դիմելով, սիրելի ժողովուրդ, յիշեցնելով քո քրիստոնէական եւ մարդասիրական կոչումը:

Իմ ամենաջերմ ցանկութիւններից եւ փափագներից մէկն էր, տեղս գալուն եւ վիճակային ընթացիկ կարեւոր գործերը կարգի բերելուն պէս հրաւեր կարդալ քեզ, սիրելի ժողովուրդ, քո օժանդակութեամբ եւ աջակցութեամբ կազմակերպելու մի աղքատախնամ հոգաբարձութիւն, կարօտեալ անձանց եւ ընտանիքներին օգնելու, նոցա վիշտը փոքր ի շարքէ ամոքելու եւ կեանքը գէթ մասամբ միսիթարական եւ յուսալից դարձնելու: Այսպէս խոստացայ նաեւ իմ անդրանիկ քարոզում, Վեհափառ Նայրապետի՝ թեմիս հայ ժողովրդին ուղղած Կոնդակի ընթերցման օրը: Սակայն շատ շուտ անակընկալ վրա հասան ժամանակակից թունալից օրերը եւ խորին վշտով, թախիծով եւ կսկիծով լցնելով բոլորիս սրտերը, ամեն օգտակար եւ բարի ցանկութիւն առկա թողին:

Քաղաքիս դժբախտութեան ճիչն ու աղաղակը հասաւ հեռո՛ւ, շատ հեռո՛ւ. զգալու եւ կարեկցելու ընդունակ հայ սրտերը շտապեցին ամեն կերպ օգնել աղէտից յառաջ եկած նոր թշուառներին, իսկ հին թշուառները՝ սովորական աղքատ ու չքատուր ընտանիքները, բնականաբար եւ անխուսափելի կերպով մոռացութեան տրուեցին մի առ ժամանակ եւ այս դառն ամիսների ընթացքում չը գրաւեցին շուշեցի հայերի նիւթական կարողութեամբ փոքր ի շարքէ ապահովուած անձանց ուշադրութիւնը գէթ այն չափով, որչափ գրաւել են եւ կամ գոնէ գրաւած պէտք է լինէին մի այլ խաղաղ ժամանակ:

Շուշեցի հայերի բարոյական եւ անյերաձգելի պարտքն է, երախտագիտութեամբ հանդերձ օրհնելով աղէտից յառաջ եկած նոր թշուառներին օգնողների կեանքը, շտապել իւր վերայ առնելու եւ սրբութեամբ յառաջ տանելու սովորական չքատուր եւ կարօտեալ ընտանիքների ամենաանհրաժեշտ կենսական կարեւոր պիտոյքները հոգալու քաղցր լուծը:

Իմ կողմից հրաւեր կարդալով եւ յորդորելով քաղաքիս հայ հասարակութեան եկեղե-

ցիների գումարներից մասն հանելու և սկզբնական դրամագլուխ դարձնելու ծրագրուող աղքատանոցի⁷ համար, հրաւիրում են նաեւ շուշեցի բոլոր բանիմաց և զգայուն հայ անձանց միացեալ ուժերով և աշխատութեամբ աջակցել ինձ յաջողեցնելու այս քրիստոնեական և մարդասիրական մեծ գործը:

Ահա մի առիթ, սիրելի ժողովուրդ, գոհացնելու քո գթութեան և սիրոյ զգացմունքները և զգալու այն անգուգական մխիթարութիւնը և ներքին հրճուանքն ու ուրախութիւնը, որոնք բոլորում են այս օրինակ գթութեան և մարդասիրութեան բարի գործերից:

Առաջնորդ թեմին Ղարաբաղու՝ ԱՇՈՏ ԵՊԻՄԿՈՊՈՍ

3-ին յունուար 1906թ. Շուշի

Տիմբ՝ ՆԱԱ, ֆ.56, ց.14, գ.236, թ.1-2:

2.

[ԵՐԿՐՈՐԴ] ԿՈՉ ՇՈՒՇԵՅԻ ՆԱՅԵՐԻՆ

Ի՛նչ ներշնչումներ ունի տարին, հինը իր վերջին օրուայ վերջալուսով և նորը իր առաջին օրուայ արշալուսով բոլոր մտածող և զգացող մարդկանց համար: Տարուայ այս առաջին ամիսը որքա՛ն խորհրդալից է, – տօնական ամիս, երբ առիթ ենք ունենում երկու անգամ միմեանց շնորհատրելու, բարեբաստիկ և բաղդատր կեանքի բարեմաղթութիւններով հանդերձ: Որչա՛ն թարմ և ցնծալից ճակատներ են ներկայանում ծնողական և բարեկամական գորովալիւր համբոյրներով այս շնորհատրութիւններին ու բարեմաղթութիւններին, և որչա՛ն սրտեր են զուարթանում այս նորութիւններին, – այս տօնական օրերին: Բայց միեւնոյն ժամանակ, որքա՛ն մութ ու տրտմաթախիծ սրտեր կան, և որքա՛ն տներ թափուր մնացած աշխատող առնական ձեռքերից: Որքա՛ն օրօրոցներ դադարկ և որքա՛ն մթապար ու խոցուած հոգիներ, որոնք աւելի են խոցում ու մթնում այս ընդհանրական ուրախութեան տօներին:

Այս բոլորը նոր բաներ չեն և ոչ էլ անձանօթ ձեզ, շուշեցի մեծաւորներ: Դուք բոլորդ էլ գիտէք ձեր քաղաքում թշուառութեան և ծայրայեղ չքաւորութեան թունալից ճանկերի մէջ հեռոյ ու հառաչող, և օրական մի կտոր չոր հացի կարօտ մերկ ու բոքիկ բազմաթիւ ընտանիքների աղիողորմ դրութիւնը: Բայց միմիայն գիտենալը, խօսելն ու ցատելը բաւական չէ, այլ և առաջն առնելու համար միջոցներ պէտք է գործ դնել, որի համար լուռ ու անտարբեր էք: Ձեզանից ամեն մէկը ընդունակ է յաճախ իր իրաւունքի և չափի սահմանից ելնել ու խօսել մեծ-մեծ և այլանդակ պահանջներ անել ուրիշներից, բայց երբ խնդիրը գալիս է ձեռնարկելու դրական մի գործ աղքատութիւնն ու թշուառութիւնը մեղմացնելու համար, բոլորդ էլ խուսափում էք՝ իմանալով, որ այդ դրական գործը կարօտ է և դրամական գոհաբերութեան:

Նախանցեալ տարի հէնց այս օրերին էր, երբ մի գրաւոր ընդարձակ կոչ ուղղեցի ձեզ, փարթամութեան ու ճոխութեան բաղդատր զաւակներ: Այդ կոչի մէջ նկարագրել էի քաղաքումս գտնուող որբերի, տնանկների, այրիների և առհասարակ թշուառութեան բաժակի

7 Շուշիում աղքատանոց բանալու Աշոտ Լալիսկոպոսի ջանքերը հաջողութիւն չունեցան (Ն. Ա.):

դառն մրուրը մինչև յապակը քամող անբաղդների դժնդակ վիճակը՝ յիշեցնելով հանդերձ ձեր քրիստոնեական ու մարդասիրական պարպառությունները: Յայտնել էի իմ ջերմ ցանկությունը քաղաքումս աղքատանոց բանալու մեծ կարեւորութեան համար, բայց այդ բոլորը չիրականացան եւ ձեզանից ոչ մինը մի ձայն, մի ծպտուն չը հանեց: Այդ կոչից յետոյ մի քանի անգամ հրաւիրեցի ինձ մօտ քաղաքիս եկեղեցիների ծխական հոգաբարձութիւնները, բացաւրեցի պէտական օրէնքով իրենց շնորհուած արքօնութիւնները եւ աղքատանոց բանալու անհրաժեշտութիւնը: Նրաւիրեցի նաեւ քաղաքիս առաջատորներին նոյն նպատակով, բայց բոլորն էլ բերան առած մի խօսք էին ասում, թէ «դեռ ժամանակը չէ, այսպէղ մեծատուն չը մնաց, բոլորն էլ գաղթեցին, վերադառնան՝ յետոյ»: Բայց մի՞թէ գաղթողները իրենց տեղերից չեն կարող մասնակցել այդ բարի գործին, եւ ի՞նչ հիմք կայ սպասելու նրանց վերադարձին, մինչ աղետներից շատ առաջ էլ շարունակ գաղթելու ետեւից են եղել շուշեցիք, եւ այսօր Բագում բնակուող բոլոր մեծաւորները շատ առաջ են գաղթած Շուշուց: Ո՛հ, ո՛հ, այդ անհիմն պարճառաբանութիւնները չեն կարող ձեզ արդարացնել եւ ոչ էլ գաղթածներին: Ամեն ժամանակ էլ յարմար է բարի գործ կատարել եւ երբեք չը պէտք է թողնել մի գործ վաղուան, որը այսօր կարելի է կատարել:

Բովանդակ աշխարհը շարժում է, ամեն մարդ եւ ազգ հառաչում է բարենորոգումների համար, երկրի մի ծայրից մինչև միւս ծայրը մի ձայն է բարձրանում, եւ մի եռանդագին բաղձանք, իղձ եւ ակնկալութիւն արտայայտում: Աղքատն ու փղեպը արքայաւում, ողբում եւ սպասում են իրենց վիճակների բարոքման, եւ այս բարոքումը կապուած չէ այնքան պէտական կառավարչական մարմինների հետ, որչափ ժողովրդի մէջ գտնուող բանիմացների եւ մեծաւորների հետ: Բայց դուք, շուշեցի մեծախօս բանիմացներ եւ միլիօնների մէջ լողացող մեծաւորներ, մինչև այսօր գործնական ոչ մի քայլ անել չուզեցիք, անշարժ մնացիք ձեր երկարամեայ թմրութեան մէջ, սթափուելու ոչ մի շարժում արիք եւ ոչ էլ մի ձայն հանեցիք միանալու աշխարհիս ամեն կողմից լսող մեծ ու բարձրագոյ աղաղակին, այլ միայն բաւականացաք մի քանի կոպէկներ ու մանեթներ շարքելով վերջին աղետներից յառաջ եկած քաղցածների առաջ, բայց ի՞նչ մեծ շնորհ էր այդ, եւ ի՞նչ նշանակութիւն ունի ծարաւ մարդու համար ջրով լի ամբարներից մի կաթիլ ջուրը, եւ ձեր փութածը միայն մի կաթիլ ջրի չափ էր եւ ոչ ատելի:

Ինչ խուսափողական ձեւեր էլ գործ դնելու լինիք դուք, շուշեցի մեծաւորներ, հարեւանցի մի ակնարկ բաւական է համոզուելու, թէ դուք պարզապէս ձեր պարսքը չը կատարելու համար էք այդ ձեւերը կամ երբեմն բանաձեւերը գործ դնում, որոնք շատ բազմապէսակ են եւ անհամար, որովհետեւ մինչ պարսքը կատարելը ամենապարզ եւ որոշ մի բան է, պարպառութիւնը չը կատարելու համար ձեռք առած առիթներն ու հնարքները ամենակնճռոտ եւ անել լաբիրինթոսներ են: Պարսքը չը կատարող մարդը ամեն միջոց գործ է դնում փախուստ փախու այն որոշ, պարզ եւ ակներեւ շաւղից, որ պարպառութեան շաւղ է կոչւում: Այդ բաւական չէ, դեռ եւս պարսքը չը կատարելով հանդերձ՝ շարերը ցոյց են փախ լոկ խօսքերով պարսք կատարողի երեւոյթ՝ սպանալու իրենց անմիտ փափագը: Բայց ո՛հ, շուշեցի՛ մեծաւորներ, այդ փառատորութիւնը եւ պարծանքը, այդ շողուն պսակը նրանց է միայն պահուած, որոնք իրօք առանց փախուստ փախու, առանց սնուրի պարճառներ առաջ բերելու, պարզօրէն եւ յօժարական կատարում են իրենց պարսքը: Պարպագանցութիւնը իր բո-

լոր ճիւղերի մէջ ամենախորին զգուանքի եւ արհամարհանքի միայն արժանի է, եւ հէնց այդ է պարճառը, որ ամեն մարդ ջանք չի խնայում պարտազանց չերեւալու համար: Կան նաեւ մարդիկ, որոնք առարկում են շարունակ, թէ ուրիշները թերանալով իրենց պարտքը կարարելու մէջ, իրենք էլ արգելում են իրենցը կարարելու: Սա մեր ազգին յարուկ բնասրոհմիկ մի հանգամանք է, բայց կրթուած ժողովրդի մէջ առհասարակ ընդունուած է, որ ամեն մարդ ունի իր պարտքը եւ իր դերը կարարելու կոչումը, եւ մի ուրիշը՝ որքան էլ բարձր կոչում եւ դիրք ունենայ, չի կարող անել այն՝ ինչ որ նախախնամութիւնը եւ ընկերական օրէնքները սահմանել են իր համար: Դիպե՛լ էք արդեօք, թէ մեր վեճերը եւ գծարտիւնները որտեղից են ծագումն առնում: Նայեցէք մեր ժողովրդի գործերի դժուարութիւնների վրայ եւ կը տեսնէք, որ ամեն մարդ յանցանքը դիմացի մարդուն է վերագրում: Միշտ մէկը կայ, որ իր պարտքը չի կարարում, բայց ի՞նքը, ո՛հ, ինքը միայն կարող է ուրիշների պարտազանցութիւնների հետքերը գտնել ու խօսել, անդուռն բերանով ողբերգական մրմունջներ արտայայտելով հրապարակների անկիւններում եւ իր առաջ բաց մամուլի էջերում:

Ժողովուրդը գանգաւորում է եկեղեցականներից, թէ նոքա անարժան են եւ անհամապարասխան իրենց կոչմանը, եկեղեցականներն էլ միւս կողմից հանդարտ եւ անդորր խղճով բարբանջում են, թէ «այսպիսի տգէտ ու պարտազանց ժողովրդին ի՞նչ բարիք եւ ի՞նչ օգնութիւն կարելի է անել», եւ ձեռքերը լուանալով ու գործից յետ քաշուելով խնդիրը փակուած են համարում: Այս բոլոր գանգաւորների, ամուլ բացականչութիւնների եւ սնամէջ բարբանջմունքների միակ պարճառը մի հար է եւ այն էլ շատ պարզ, որ ամեն մարդ պարտաճանաչութեան վսեմ եւ գերագոյն ներշնչմամբ չի գործում եւ չի կարարում այն ազնիւ, վեհագոյն եւ փրկարար որոշումը, թէ ինքը պէտք է կարարէ իր պարտքը՝ առանց սպասելու, որ մի ուրիշը նախ կարարէ իրենը:

Դու՛ք, շուշեցի՛ մեծաբուններ, սովոր էք միայն անցեալի դառն իրողութիւնների վերայ նստել եւ լալ, բայց անցեալի վերայ հիստուած յուսահատ ողբերով չի փրկուի ոչ անհար եւ ոչ ազգ: Անցեալում կարող են աղէտալի շատ դէպքեր պարահաւ լինել, բայց ահա՛, Աստուած տալիս է ձեզ նոր ժամանակ արիանալու, ներշնչուելու եւ դարմանելու ձեր ազգայինների աղէտները եւ դժբախտութիւնները՝ ընթանալով պարտաւորութեան շաղով: Եւ ո՛ր էր, թէ այս նոր տարուան հետ ներշնչուէք այդ մաքուր եւ առողջ զգացմունքներով, երբ միայն կարելի էր ձեզանից սպասել բարի գործեր՝ առանց ծանր բեռ համարելու ձեր կարարած բարիքը: Քանի որ դուք ծանր բեռ կը համարէք ձեր պարտքը, նրանք աւելի պէտք է ծանրանան ձեր վերայ, իսկ երբ համարէք ձեր յարուկ պարտքը, այն ժամանակ ոչ միայն թեթեւ, այլ եւ ձեր փառքն ու պսակը կը լինին նրանք: Ահա լուսաւորութեան, զարգացման եւ բարձրացման փառաւոր ճանապարհը: Աշխարհիս վերայ չը կայ պարտքի կարարման պէս աւելի գեղեցիկ բան: Նանճարի յաղթանակները կարող են շլացուցիչ լինել, մեծ բաղդաւորներ կարող են աւելի յուզիչ լինել, բայց չը կայ իրօք մի բան, որ այնքա՛ն արժանաւոր ու փառաւոր լինի, որքան այն հասարակութիւն, անվրդով եւ եռանդուն կորովը, որով մարդ կարարում է իր ընկերական, քաղաքացիական եւ ազգայնական պարտականութիւնները: Սա իր մէջ ունի բարոյական մի տարր, որ ուրիշ բոլոր բաներից գերազանց է: Նանճարը շատ քիչերին է բաժին ընկնում, բաղդը շատ քիչերին է ժպտում, թէպէտ յիմարներն են միայն բաղդին սպասում, մինչդեռ ամենքս էլ կարող ենք աշխատել այն գործի համար, որ ժողովրդական թշուառու-

թեան, աղքատութեան ու քաղաքական առաջն է առնում: Եւ հասարացած եղէք, որ հասարարմօրէն կարարուած պարարաորութիւնը միշտ ունի իր ճոխ վարձարարութիւնը: Մինչ հանճարի պսակները թարշամում են, եւ սոսկ բաղդաորների մրցանակները յօղս են ցնդում, պարարքի կարարման ոսկեղէն պարողները հասարում եւ մնում են յաջորդող սերունդների ափերում դարե ի դար:

Յիշեցէք, ուրեմն, շուշեցի մեծարներ, որ պարարք ունիք կարարելու եւ ձեր այսօրուան անհոգութիւնը դէպի ձեր թշուառ ու քառապէալ հայրենակիցները դարարարարութեան կնիք պէրք է դրոշմէ ձեր ճակարներին: Յիշեցէք, աղաչում եմ ձեզ, յիշեցէք գէթ այս քարի Շուշու աղքատութեան քիտուր վայրերը, չքաորութեան բոլոր քառապանքները, բոլոր արցունքօր աչքերը, բոլոր մթնած խաարած սրարերը եւ բոլոր յուսահար կեանքերը, որոնք այնքա՛ն բազմարթի են Շուշու բարձունքի վերայ:

Ես երկար ու բարակ կշռաղարելուց յերոյ եկել եմ այն եզրակացութեան, որ աղքատանոցը այնքան էլ մի օգրակար հասարարութիւն չի կարող լինել, որովհերեւ աշխարանքի անընդունակ մարդկանց հեր նաեւ պէրք է օգրուին ընդունակները եւ ձրիակերութեան ու ծուլութեան ընրելանան: Աելի նպարակայարմար է, որ քաղաքը ունենայ քնայնագործութեան մի ընդարձակ արհեսարանոց⁸ իր բոլոր ճիղերով: Այժմ քաղաքը ունի ջուլիականոց անուամբ մի արհեսարանոց, որը բացուել է քեղույս նպասարամարոյց յանձնաժողովի օժանդակութեամբ եւ աջակցութեամբ եւ ունի իր առանձին վարչութիւնը, բայց շար սահմանափակ լինելով եւ աննշան դրամագլուխ ունենալով՝ հագի կարողանում է 40-աչափ մարդ աշխարեցնել: Այս ջուլիականոցը կարելի է ընդարձակել, որքեղ կարող են մի քանի հարիւր մարդիկ աշխարել եւ իրենց ձեռքի աշխարանքով ապրել, եւ միայն աշխարանքի անընդունակներին՝ կարելի է արհեսարանոցի քարեկան մնացորդ արդիւնքից նպասար քալ: Սա մի կրկնակի բարի գործ կը լինի Շուշու չքաորների համար, որոնք իրենց աշխարանքով իրենց ապրուսարը հոգալով հանդերձ՝ չեն ընրելանալ ձրիակերութեան եւ ծուլութեան, եւ միեւնոյն ժամանակ կը սովորեն քնայնագործական արհեսարներ: Բացուելիք արհեսարանոցում կարող են եւ գաւառներից գալ սովորելու եւ նոյնը քարածելու գիղերում:

Այս բարի ու օգրակար խնդիրը դնելով ձեր առաջ, շուշեցի մեծարներ, աղաչում եմ ձեզ, յանուն մեծ մարդասէր Փրկչի հրաշալի ծննդեան, արէք ինչ որ կարելի է անել եւ որքան կարելի է շուր, եւ հասարացած եղէք, որ կեանքի ամենալաւագոյն օրերը կը լինին ձեզ համար այն օրերը, երբ գործած կը լինիք առաւելագոյն բարիք:

Թողնենք դեռ ձեր հայրենիքի երկու սեռերի կրթութեան հասարարութիւնները, որոնք այնքա՛ն աննախանձելի եւ ձեզ պարիւ չը բերող նիւթական անձուկ վիճակի մէջ են գրնում, որի մասին մի ուրիշ անգամ հանդէս կը գամ, առ այժմ համարեցէք ձեր առաջին գործը քաղաքումս քնայնագործութեան մի ընդարձակ արհեսարանոց բանալ իր բոլոր հնարաոր ճիղերով, որին կից կը լինի նաեւ դարոց՝ նոյն հասարարութեան մէջ աշխարող չքաորների երկսեռ գաւակների քարրական կրթութեան համար: Եւ ահա դրանով միայն կարող էք գուարթացնել ձեր հայրենի քաղաքի աղքատութեան խոնաւ ու մութ բնակավայրերը եւ չքաոր ու քաղցած, մերկ ու բորիկ մանուկների սրարերը, եւ սփոփել քառապէալն ու սրարեկը:

8 Շուշիում քնայնագործոյան ընդարձակ արհեսարանոց բանալու վերարերյալ Աշուր եպիսկոպոսի ջանքերը նույնպէս վերջացան անհաջողոյթամբ (Ն.Ա.):

Պարսբի ամենամեծ բաժինը ընկնում է ձեր վրայ, Շուշուց դուրս ապրող եւ մանաւանդ Բագում բնակուող շուշեցի՝ մեծարներ, շարժուեցէք ուրեմն բարի գործի համար, ժողովներ կազմեցէք, խօսեցէք ու որոշեցէք վերջնականապէս յաջողեցնելու այս բարի եւ ձեզ պարի, փառք ու պարծանք բերող գործը, եւ եղէք ձեր սիրով ու գթութեամբ անուշաբոյր ծաղիկներ ձեր ծննդավայրի՝ լալով ու դառն արցունքներով ողողուած թախծութեան վայրերում: Այդ է ձեր սեպուի եւ սրբազան պարսբը, եւ հրաւիրում եմ ձեզ ձեր պարսբի կապարման հանդիսավայրը, որպէղ կարող էք ժառանգել յաւերժական անուն եւ ճոխ վարձապրութիւն:

Ղարաբաղի Նայոց թեմի Առաջնորդ՝ ԱՇՈՏ ԵՊԻՍԿՈՊՈՍ

4-ին յունուարի 1908թ., Շուշի

Տիմբ՝ ՆԱԱ, ֆ. 56, ց.14, գ.236, թ.3-4:

3.

[ԶՈՐՐՈՐԴ] ԿՈՉ ՂԱՐԱԲԱՂՅԻ ՆԱՅԵՐԻՆ

Թէեւ յաճախ քարոզներ խօսել եմ եւ խօսում եմ քաղաքիս եւ պարսաւած դէպքերում թեւնը շրջագայելիս գիւղական ժողովրդին, բայց այս նոր փարուայ առթիւ սրբազան պարսբ եմ համարում դարձեալ գրաւոր խօսել ձեզ հետ, ղարաբաղցի հայեր, եւ ցոյց փալ ձեզ աշխարհիս վերայ ապրելու եւ յառաջադիմելու լաւագոյն եղանակ եւ օգտակար կեանքի անհրաժեշտ պայմաններ: Եւ ո՛ր էր, թէ մի օգտակար ծառայութիւն մատուցած լինէի ձեզ սրանով:

Երբ ժամանակի անընդհատ հոսանքը կրկին բերեց մեզ նոր թուական, երբ զգալի մի քայլ եւս արինք դէպի յաւիտենականութիւն, սրբազան պարսպաւորութիւն է ամեն մէկիս համար փարուան առաջին օրերին մտածել խորապէս, մեր անձանց եւ մեր կեանքի վերայ:

Մի փարի եւս փութեց մեզ իր հրաժեշտի վերջին ողջոյնը եւ գնաց միանալու անեզր յաւիտենականութեան մէջ իր անթիւ ընկերներին, եւ մենք դիմաւորեցինք նոր փարուան ոսկի իղձերով ու վարդակարմիր յոյսերով: Բայց մի փարսամ եւ մելամաղձիկ փխրութիւն չե՛նք զգում արդեօք մեր սրտերի մէջ, եւ խնդութեան ժախիտների ներքեւ մի խորին թախիժ եւ վիշտ պատած չե՛ արդեօք մեր ներսը:

Անցա՛ն մի փարի միայն, բայց որքա՛ն անկապար բարիքներ եւս անցան իր հետ: Անցա՛ն մի փարի, բայց դառնութեամբ շաղախուած արցունքների ի՛նչ աղի գետեր ողողեցին նրան, վշտերի ծանրութեան փակ ընկճուած սրտերից ի՛նչ աղիողորմ հառաչանքներ ու հեծեծումներ դիզուեցին նրա վերայ, եւ ի՛նչ սեւ խորհուրդներ ու գործեր մտտեցին նրա էջերը: Բայց անցա՛ն նա, անցա՛ն անփարքեր, արագընթաց արեգական նման, ոմանց օրհնութիւններ եւ ոմանց աղէտներ բերելով իր ճանապարհորդութեան ընթացքում:

Բարո՛վ գնայ յաւիտենական ուղեւորը, բարո՛վ գնայ եւ թող փանէ աշխարհիս փեղեկագիրը մատուցանելու Ամենակալ Արարչին, թողնելով նաեւ աշխարհիս քաղաքակրթութեան յաղթական գնացքի մէջ իր անջնջելի արձանագիրը:

Ո՛հ, արդեօք ինչպիսի՛ անջինջ հեղեղներ գծեցինք ամեն մէկս նրա վերայ եւ ի՛նչ խորհուրդներ ու գործեր յանձնեցինք նրան իբրեւ աւանդ յիշադրակաց արժանի յեպնորդ դարերում յաջորդող սերունդների համար: Այո՛, ամեն մի ոսկեթեւ վայրկեան մինչ թոչում էր լոկի եւ

մնջիկ ամեն մէկիս կեանքի հորիզոնից, մեր կեանքի պարկերը, մեր կենսագրութիւնը դրոշմեցինք նրա վերայ, որին ոչ ժամանակի երկաթեայ ձեռքերը կարող են աւերել եւ ոչ էլ յաւիտենականութիւնը կարող է նրա մի բիծն անգամ հետաջինջ անել:

Ահա այս ահաւոր խորհուրդների առաջ ականայից հակում ենք դողահար, երբ մանաւանդ աչքի առաջ ենք ունենում մեր էութեան այն ամենաթանկագին մասը, որ ամեն մէկս յանձնեցինք նրան եւ նա վերցնելով իր հետ յաւիտեանս բաժանուեց մեզանից, մեզ բաժին թողնելով միայն մելամաղձիկ յիշատակներ:

Անցա՛ւ այսպէս հին փարին, բայց Նոր փարին պերճաշուք թագուհու նման բազմած ժամանակի հրափայլ կառքի վերայ՝ բարձրացաւ արեւելեան հորիզոնից եւ իր ոսկեղէն բանալիով բացեց մեր առաջ ապագայի փառաշուք փաճարի դռները՝ ներս հրաւիրելով մեզ: Բայց արդեօք ակնածութեամբ մօտեցանք նրա շէնքին եւ երկիւղո՞վ դրինք մեր ոտքերը նրա գաղտնաձածուկ սրահի վերայ: Պարկերացրի՞նք արդեօք մեր աչքի առաջ մեր անցեալը եւ կարողացա՞նք արդիւնաւէտ եւ գոհացուցիչ հանդիսացնել մեզ համար նրա ընթացքը եւ յիշեցի՞նք արդեօք այն սերտ կապակցութիւնը, որ ունի ներկան անցեալի հետ:

Ասում է սովորաբար, թէ անցեալ փարին գնաց, բաժանուեց մեզանից յաւիտենապէս: Ճշմարիտ է այս, բայց նոյնը կարո՞ղ ենք ասել նաեւ անցեալ ժամանակի բարի եւ կամ չար ազդեցութիւնների եւ վնասակար ու օգտակար գործերի նկատմամբ: Նրանք է՛լ յաւիտենապէս բաժանում, անցնում են առանց ազդեցութեան, թէ իրենց հետքերը թողնում են հետագայ ժամանակների վերայ: Ժամանակը անցնում է, բայց ոչ մեծ եւ առաքինի մնայուն գործերի արդիւնքը:

Դարձնենք մեր աչքերը դէպի անցեալը եւ փնտնենք, թէ ի՞նչպէս անցեալի մեծ եւ բարի գործերը իրենց բարերար ազդեցութիւնը հասցրել են մինչեւ մեր օրերը, եւ փարիներն ու դարերը չեն կարողացել նրանց մի վնաս հասցնել:

Ի՛նչ ուշագրաւ իրողութիւն է, որ անցեալի այն յիշատակարանները, որոնք շինուած էին փառքի ու համբաւի համար, այսօր նրանցից շարքերը գրեթէ չբացած են, իսկ եթէ կան մնացածների բեկորներ, նրանք էլ իբրեւ հնութիւն միայն արժէք ունին մինչ բարերարական շինուածները մինչեւ այսօր մնում են դեռ, բարերարելու մարդկային ազգը:

Ամենից հարուստ եւ ամենից իմաստուն ինքնակալ Սողոմոն թագաւորի շքեղափառ պալատները իրենց եղելիւններով, ոսկիներով եւ փղոսկրներով այսօր չը կան, բայց մնում են մինչեւ այսօր նոյն Սողոմոնի ջրամբարները եւ ջուր են մաքակարարում շարքերին:

Սուրբ քաղաքի վաղեմի ճարտարապետութիւնից ոչ մի քար քարի վրայ չը մնաց, բայց մնում է Բերհեսդայի աւազանը եւ դեռ գրաւում է ճանապարհորդների ակնածանքը:

Հին Պարսկաստանի մեծահամբաւ Պերսեպօլիս քաղաքի սիւներն ու պարիսպները փշրուած ու փոշիացած են, բայց նրա աւազանները եւ ջրմուղները մնում են դեռ եւ գրաւում են անցորդների գմայլումը:

Ներոնի ոսկեղէն փունը աւերակների մի շեղջակոյտ է դարձած, բայց Կողոդիոսի ջրմուղը դեռ եւս չի դադարել Արնոյ մեծ գետից իր ականակիտ ջրերը Հռովմ քաղաքը թափելուց:

Ասորիքի Պալմիրա քաղաքում արեգական երկրպագութեան համար կառուցուած հսկայական ու հոյակապ մեծ փաճարը կործանուեց, բայց նրա աղբիւրը արեգական ճառագայթների փակ մինչեւ այսօր էլ փայլփլում է այնքան թարմութեամբ, որքան երբ հազա-

րաւոր ու բիւրաւոր հեթանոս ուխտաւոր երկրպագուներ խոնում էին փաճարի բարձրաբերձ սիւների շուրջը:

Ահա սրանք են բարի եւ օգտակար գործերի ճշմարիտ եւ մնայուն փառքն ու մեծութիւնը, որոնք ուրիշ բոլոր փառքերից եւ մեծութիւններից աւելի յաւերժական եւ մշտնջենական են եւ որոնք անվերջ փայլունութեամբ պէտք է շողշողան սերունդէ սերունդ եւ դարէ ի դար:

Գիտեմ, որ շաւերը պէտք է գոչեն. «Ա՛հ, երանի՛ թէ կարողանայինք բարերարական մեծ գործեր կատարել, բայց ի՞նչ արած, որ այժմ անձուկ վիճակի մէջ լինելով գրեթէ ոչինչ կարող ենք անել մեր անձնական եւ ընտանեկան նեղ շրջանակից դուրս»: Նարցնում եմ այդպիսիներին, գէթ շա՛տ փոքր ծառայութիւն անգամ չե՛ն կարող անել իրենց նման ընկեր արարածների եւ իրենց ազգի ու հայրենիքի լուսաւորութեան եւ յառաջադիմութեան համար: Կատարենք ամեն մէկս մեզ ընկած պարսրքի փոքրիկ մի բաժինը, եւ ժամանակը պէտք է վերցնէ այն իր ծոցի մէջ եւ արդիւնաւորէ առաւել քան կարող ենք երեւակայել:

Ի՞նչ էք կարծում, ի՞նչպէս են յօրինուած բարձրակարար լեռնագօտիներից շաւերը, հսկաների՞ զօրութեամբ արդեօք, ո՛չ, նրանք բուրգեր են, անհունապէս աւելի գերազանց քան եգիպտական բուրգերը, բայց կառուցուած ո՛չ մեծագոր փարաւոններից, այլ չնչին, փոքրիկ կենդանիներից, որոնց անցեալ սերունդները այնպեղ թողնելով իրենց փոքրիկ անպեսանելի պարեանները, կուտակմամբ կազմել են այդ ահագին լեռնային զանգուածները: Որչա՛տ անհաւաքալի է թւում, երբ մանրացոյցով դիտում են այդ աննշան էակները եւ ապա մի ակնարկ ձգում ժայռոտ եւ վիթխարի լեռների վրայ, բայց գիտութիւնը հաստատում է այդ իրողութիւնը:

Ուրեմն ով գգում է անցեալ, ներկայ եւ ապագայ ժամանակների զարմանալի կապակցութիւնը, չի կարող չը զգալ գործելու մեծ պարտաւորութիւնը եւ ոչ էլ մի որեւէ բարի եւ օգտակար գործ կ'արհամարէ նրա փոքրութեան պարճառով:

Այա ուրեմն այս Նոր փարին յարմար ժամանակ չէ՞ արդեօք աչքի անցնելու մեր կեանքի նկարագիրը, ուղղելու մեր թերութիւնները եւ ամեն կերպ աշխատել օգտակար դարձնելու մեզ մեր նմանների համար: Փոյթ չէ, որքան էլ հասակն առած եւ փարիքով լինի մարդ, դեռ ուշ չէ սովորել կեանքի դպրոցի մէջ եւ ունենալ ազնիւ ձգտումներ ոչ թէ մեր արկղները միայն լցնելու հարստութեամբ աշխարհիս բարիքները աւելի ունենալ աշխատելով, թէպէտ այդ բոլորն էլ ունենալու համար կարող ենք աշխատել միայն այն սկզբունքով, որ որքան շատ լինի հարստութիւնը, այնքան աւելի մեծ լինին բարի եւ հանրօգուտ գործերը. «որին շատ է տրուած, շատ էլ պահանջում է նրանից» – ասում է Փրկիչը:

Կարող է ամեն մարդ ունենալ իր փառաւոր բնակարանը եւ եթէ կացութիւնն ու միջոցները ներում են, թո՛ղ իր բնակարանը կառուցանէ շքեղապէս, թո՛ղ գեղեցկացնէ այն գեղարուեստի նրբին ճաշակով, թո՛ղ ունենայ իր ընդարձակ դահլիճները եւ ճոխ ընդունարաններն ու առնձնասենեակները իրենց շքեղ կահաւորութեամբ, բայց սրանք ունենալով հանդերձ յիշէ իր ազգը եւ միշտ իր աչքի առաջ ունենայ իր ծննդավայրի՝ իր հայրենիքի թշուառ ժողովուրդը եւ նրա նիւթական փազնապի մէջ փառապող կրթական ու բարենպաստ հաստատութիւնները, եւ ահա այն ժամանակ մարդիկ հաճութեամբ պէտք է նայեն նրա բնակարանին՝ գովելով նրա ճաշակի նրբութիւնը:

Չը մոռանանք նաեւ մի ուրիշ պարտականութիւն՝ յառաջադիմութեան պարտականու-

թինը, որ մասնատրապետ դնում է ամեն մինիս վերայ արագընթաց ժամանակ: Բոլոր արարչութեան լեզուն է՝ յառա՛ջ, յառա՛ջ: Ամբողջ փեղերքը իր անպեսանելի մաքների ներքեւ մի, թէւ լռին, բայց քաղցրալուր համերգ ունի, որի յանգերգն է՝ յառա՛ջ, յառա՛ջ: Եղանակները կրկնում են նոյնը, եւ ժամանակը հոչակում է այն դարէ ի դար եւ աշխարհէ աշխարհ: Ամեն ինչ յառաջադիմում է. բնութիւնը, պայմութիւնը եւ քաղաքակրթութիւնը վկայում են այս ճշմարտութիւնը: Յառաջադիմութեան այս ամեն ձայների եւ փեղերական բոլոր շարժումների մէջ ոչ ոք չի կարող դադարեալ եւ անգործ մնալ:

Գնահատենք ուրեմն այսօրուան մէջ ապրելու մեծ արժէքը եւ ներկայի կարեւորութիւնը՝ պրոպագանդա դարձնելու մեր կեանքը: Իմաստուն մարդը եւ ժողովուրդը նա է, որ գիտէ այսօրուան արժէքը, եւ նա, որ ընդունակ է գնահատելու ներկան ըստ արժանոյն, ապագայի համար կարող է ապահով լինել, որովհետեւ ապագայի ամբողջ արժէքը կախումն ունի այսօրուան մեր փութած արժէքից: Գալիք փարիների եւ դարերի մէջ կախարդանք, հմայք եւ հրաշք չը կայ, եւ ապագայի գեղեցիկ արարների մէջ չի կարող ոչ մի լաւ բան բուսնել եւ ծաղկել, եթէ մենք այսօր չը սերմանենք:

Քրիստոնէութեան նպատակն էլ նոյն իսկ միայն այն չէ, որ սովորենք ապագայ փառքը, այլ որ սովորենք նաեւ նուիրականութիւնը, եւ կարեւորութիւնն ու մեծութիւնը այն կեանքի, որ այժմ մեր ձեռքին է: Բաւական չէ միայն երեսակայել երկնքի գեղեցկութիւնը, այլ ըմբռնել նաեւ, թէ երկիրս էլ Աստուածային է: Մարդավայել կեանքի գաղտնիքին փրացողը նա է, որ սովորել է ներկայ վայրկեանի արժէքը, փեսնում է իրեն շրջապատող ներկայի գեղեցկութիւնը եւ իր շուրջը եղողներին բարձրացնելու եւ ազնուացնելու մեծ կարեւորութիւնը: Եւ եթէ մենք սովորենք ամենալաւ կերպով գործածել ներկան, թէ իբրեւ անհատ եւ թէ իբրեւ ժողովուրդ կարող ենք ապագայի բարութիւնների փեր լինել, որովհետեւ մեզանից դուրս ապագայ չը կայ, այլ մեր մէջն է նա, եւ մենք ենք պատրաստում նրան մեզ համար:

Որոշենք ուրեմն յառաջադիմել այս Նոր փարուայ մէջ դէպի բարձրագոյն եւ լաւագոյն կեանքը:

Արհեստաւորը թո՛ղ սովորի աւելի լաւ աշխատել եւ կարարելագործուել իր արհեստի մէջ:

Վաճառականը թո՛ղ ջանայ ընդարձակել իր առեւտուրը եւ աւելի շահաւէտ դարձնել իր առեւտրական ասպարէզը միայն առանց զրկանքի եւ խաբէութեան չափաւոր սահմանների մէջ դնելով իր վաստակը:

Ուսանողը թո՛ղ մի աստիճան եւս վեր ելնէ գիտութեան սանդուղքով աւելի մօտենալու գիտութիւնների անսպառ աղբիւրին, հրճուելու նրա զարմանահրաշ գործերով:

Ուսուցիչը թո՛ղ խնամք փանէ աւելի լաւ ձեւակերպելու այն բանական մարմարիոնը, որ ունի իր ձեռքին դպրոցի նուիրական յարկի փակ, օգտակար անդամ դարձնելու նրան մարդկութեան, իր ազգի եւ իր հայրենիքի համար:

Նայ քահանան թող հեքիմաւոր լինի կարդալու, հմտանալու, զարգանալու եւ քարոզելու համար նոր փեսակերներ, նոր գաղափարներ եւ նոր հորիզոններ մտնելու քրիստոնէութեան եւ բարոյականութեան վսեմագոյն սկզբունքների բացաբարութեան մէջ, գրաւելու ոչ միայն հաւաքացեալների խիտ բազմութիւն, այլ նաեւ անփարբերների եւ թերուս թերահաւաքների:

Եւ որ առաւելն է հայ մեծաբունը թող սիրէ իր ազգը, սիրէ նրա մանուկ սերունդը, սիրէ

իր ազգի հեգ եւ թշուառ փառապետները եւ նրանց ուսման ու կրթութեան կարօսք երկսեռ զաւակները եւ իր ազգի բարօրութեան եւ նորագոյն սերունդի կրթութեան եւ դաստիարակութեան ամենակարեւոր գործի համար նուիրել ոչ միայն իր ոսկիները առաքօրէն, այլ եւ իր սիրտը ամբողջովին, մանաւանդ դարաբաղցի հայ մեծափունը, որի հայրենիքը անհամեմատ աւելի փառապում է թշուառութեան եւ չքաւորութեան ճիրաններում եւ որի հայրենակիցները անկարող են, չասեմ աւելացնել, այլ նոյն իսկ պահել իրենց ուսման եւ գիտութեան մէջ ընդունակ մանուկ սերունդի կրթական մեծ եւ նուիրական գործին ծառայող, բայց նիւթականապէս բոլորովին անապահով հաստատութիւնները:

Թո՛ղ ուրեմն ժամանակի եւ յաւիտենականութեան Տէրն ու Իշխանը յառաջ մղէ բոլորիս դէպի բարի եւ օգտակար գործը այս Նոր փարուայ արագընթաց թելերով, յառա՛ջ դէպի վեր, դէպի գեղեցիկն ու վսեմը, յառա՛ջ ժամանակի ամբողջ արագութեամբ եւ քաղաքակրթութեան բոլոր ուժգնութեամբ դէպի հանրօգուտ գործերի եւ լուսաւորութեան ասպարէզը:

Ղարաբաղի Նայոց թեմի առաջնորդ՝ ԱՇՈՏ ԵՊԻՄԿՈՂՈՍ

2-ին յունուար, 1909 թ., Շուշի

Նիմբ՝ ՆԱԱ, ֆ.56, ց.14, գ.236, թ.24-25: